



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-14-7-763/15
Datum: 07.04.2015.godine

OPĆINSKO VIJEĆE TEŠANJ

**INFORMACIJA
o radu i poslovanju udruženja građana na području općine Tešanj za 2014.godinu**

UVOD

Značaj civilnog društva proizlazi iz potrebe postojanja mehanizama za kontrolu i nadgradnju aktivnosti koje prema prirodi nadležnosti spadaju u domenu državnog aparata, te uključivanja građana u te aktivnosti.

Za izradu ove informacije korišteni su podaci dobiveni od udruženja/organizacija, podaci kojima raspolaže organ uprave iz ranijih izvještaja i sl. Treba napomenuti da informacija tretira sva udruženja sa kojima je općina imala saradnju i čije su aktivnosti sufinansirane kroz budžet općine Tešanj.

PRAVNI OKVIR I RAD UDRUŽENJA

Rad nevladinog sektora u Bosni i Hercegovini regulisan je entitetskim i državnim zakonodavstvom. Na nivou BiH 2001. godine je usvojen Zakon o udruženjima i fondacijama, a na nivou Federacije BiH u martu 2002. godine. Pomenuti zakoni su usklađeni sa principima savremenih demokratskih društava. Broj registriranih udruženja se uvećava iz dana u dan. Registracija novih udruženja olakšana je Federalnim zakonom u kojem se u članu 11. propisuje da udruženje mogu osnovati tri fizička ili pravna lica.

Prema evidenciji Službe za društvene djelatnosti i investicije na području općine Tešanj postoji 119 udruženja građana. Međutim, taj broj treba uzeti s rezervom, jer nisu sva udruženja aktivna. Neka udruženja čak više i ne postoje, ali nisu brisana iz registra.

Stanje na području općine Tešanj, dodatno je uređeno odlukama koje je donijelo Općinsko vijeće: Odluka o kriterijima za finansiranje nevladinih organizacija i udruženja građana ("Službeni glasnik" 9/05), te Odluka o izmjeni i dopuni Odluke o kriterijima, načinu i postupku raspodjele sredstava nevladinim organizacijama ("Službeni glasnik" 10/11) i Odluka o proglašenju udruženja od posebnog interesa ("Službeni glasnik" 9/06), te Odluka o izmjenama i dopunama Odluke o proglašenju nevladinih organizacija od posebnog interesa ("Službeni glasnik" 2/14).

Ove odluke nastoje dodatno urediti način finansiranja nevladinog sektora, nametnuti sistem planskog i programskog pristupa u radu i omogućiti mehanizme razlikovanja između onih koji su samo registrovani i onih koji rade.

Primjenom Odluke o kriterijima za finansiranje nevladinih organizacija i udruženja građana došlo je do većeg nadzora nad radom udruženja i brže prepoznavanja onih udruženja koja ne rade. Tako se na javnom pozivu za finansiranje projekata u 2014. godini (decembar 2013.) udruženja koja nisu dovoljno aktivna nisu ni prijavila.

Grupa	Broj prijava	Br projekata za finansiranje
Kultura	9	7
Sport	28	27
Ostalo	17	12
UKUPNO	54	46

DJELATNOST UDRUŽENJA

Udruženja prema oblasti djelovanja su vrlo raznolika, jer jedno udruženje vrlo često djeluju u više oblasti i teško ga je svrstati. U slijedećoj tabeli predstavljeni su podaci za našu općinu.

	Boračke organizacije	Crveni križ	Djeca i mladi	Vatrogasna društva	organizacije invalida	Izbjeglice, raseljeni	Kultura	Lov, rrbolov, pčelarst	Ljudska prava	Nacionalne organizacije	Penzioner/starije osobe	Staleška udruženja	Tehnika (radio, moto...)	Socijalna zaštita	Privredna udruženja	Zaštita okoline	Zdravstvo	Zadugarstvo	Sport	Žene	Romi	Ostali	Ukupno
Tešanj	7	2	9	2	2	1	10	4	-	2	1	1	2	3	3	3	6	-	36	6	-	27	119

U daljem toku informacije detaljnije će biti predstavljen rad većeg broja udruženja od kojih smo prikupili podatke. Udruženja su grupisana u četiri grupe:

- udruženja od posebnog interesa (pobliže određeno Odlukom o proglašenju udruženja od posebnog interesa („Službeni glasnik“ 9/06) i Odluka o izmjenama i dopunama Odluke o proglašenju nevladinih organizacija od posebnog interesa („Službeni glasnik“ 2/14);
- sportska udruženja/društva;
- udruženja u oblasti kulture;
- ostala udruženja.

I UDRUŽENJA OD POSEBNOG INTERESA

Naziv udruženja	Ukupni prihodi	Prihodi od Općine	Ukupni rashodi	Sjednice tijela		Broj članova
				Preds.	Skupš.	
Organizacija PŠ i PB	77 319,42	30000	58 348,11	9	1	693
Organizacija RVI	54 764,05	30000	53 595,68	9	1	616
UABNOR	12 372,42	10 196	12 269	6	0	158
UG „Zlatni ljiljani“	7 917	6600	7748,24	9	1	48
JOB „Unija veterana“	52 069,53	44 900	41 834,10	7	0	6280
UG invalida rada	2689	2400	2 616	8	1	439
UG slijepih i slabov. osoba	9200	9000	9187	4	1	130
UG „Sugar“ Tešanj	4151,71	3000	4068,15	17	1	386
UG „Održiv povratak“ Tešanj	3274	2400	2800	4	0	125
Crveni križ Tešanj	114 829,18	13736	104 350,20	4	1	595
UG hroničnih bubrež.bolesn.	0	2400	0	0	0	0
UG „Crveni polumjesec“	8 080	2400	121	15	1	58
DVD Jelah	14 501,95	4036,5	14 056,14	17	2	147
UŽ Naša porodica	15 845,23	4 400	9 545,65	3	1	42
Udruženje Oslonac	134 760,21	13400	132 263,34	6	1	1020
Udruženje penzionera Tešanj	178170,72	36000	140994,32	10	1	3000
UG otpuštenih radnika iz RH	3105,85	3000	5266,23	17	3	5055
DVD “Tešanj 1905”	14 595,55	2400	6323,18	7	2	118

Organizacija porodica šehida i poginulih boraca

Ovu organizaciju sačinjavaju porodice šehida i poginulih boraca Tešnja, Teslića i dijelom Doboja. U 2014. godini su vođene brojne aktivnosti: Izvršene pripreme i održan tradicionalni šehidski mevlud u Bobarama, Redovni obilasci bolesnih članova i njihovih porodica 103, posjeta 26 porodica šehida i poginulih boraca kod

smrti užeg člana porodice, obilježavanje Dana šehida drugi dan Ramazanskog Bajrama i obilazak mezariluka šehida i poginulih boraca, Izvršene pripreme i održana godišnja skupština Udruženja, Obilježavanje značajnih datuma na Općini i druge aktivnosti.

Za jednokratne novčane pomoći za liječenje izdvojeno 4.765,00 KM, za pomoći u slučaju smrti 3.500,00 KM, Za robne pakete prilikom posjete dato 1.074,70 KM, jednokratne prilikom posjeta 3.850,00 KM, a apotekama za lijekove isplaćeno 15.087,81 KM.

Organizacija ratnih vojnih invalida

Ima zaposlenog sekretara sa punim radnim vremenom. Najznačajnije aktivnosti Organizacije u 2014. godini odvijale su se u skladu sa Programom rada, a odnosile su se na: Pružanje pomoći članstvu u ostvarivanju prava poštujući Zakonsku proceduru, Obilazak članova na kućnom i bolničkom liječenju i pružanju finansijske pomoći najugroženijim članovima. Imaju vlastiti uslovan kancelarijski prostor, a ugovorom su se obavezali da pružaju svu tehničku pomoć u radu Udruženja ABNOR Tešanj i da plaćaju režiju za iste. Pomoć članstvu u 2014. godini: Za lijekove 15.722,30 a za liječenje 1630 KM, za odlazak u banju 740 KM, Za smrtni slučaj 3.700 KM, Za pakete prilikom posjete članovima 4.743,14 KM, Za jednokratne novčane pomoći 1.200 KM, Za naknade novorođenčadi 250 KM.

U toku januara održani sastanci po MO RVI. Učestvovali u obilježavanju aprilskih dana u Općini (polaganje cvijeća, podjela knjiga "Treći korpus A BiH 92-95"). Vršili obilazak članova i porodica RVI različitim povodom. Osim toga izvršili su posjetu Potočarima-Srebrenica, učestvovali na obilježavanju Dana RVI ZDK u Brezi i na XI sportskim igrama RVI BiH u Bijaću.

UABNOR Tešanj

Jedan od ciljeva Udruženja je očuvanje tekovina socijalističke revolucije NOB-a i briga o živim neposrednim učesnicima. U 2014. godini izvršene su posjete: Tjentištu, Jablanici, Mrkonjić Gradu. Organizovano obilježavanje značajnijih datuma iz NOB-e (9.maj, 4.juli-Šije, 27.juli-Tešanjka, 9.septembar-Tešanj i 25.novembar). Ukazivana je pomoć bolesnim članovima u nabavci lijekova, kao i novčane pomoći najugroženijim, ostvarena dobra saradnja sa nadležnim organima i organizacijama i vršeno uključivanje novih članova, posebno mladih antifašista. Za novčane pomoći učesnicima NOR-a dato 5.400 KM, Jednokratne novčane pomoći živim učesnicima isplaćeno 3.230 KM a za posjete bolesnim članovima i liječenje 350 KM.

UG „Zlatni ljiljani“ Tešanj

U 2014. godini izvršeno ažuriranje normativnih akata. Pored toga urađeno je i slijedeće: U saradnji sa Muzejom Tešanj urađene replike ratnih zastava svih ratnih brigada sa Općine, Učešće u obilježavanju značajnijih datuma na općini Tešanj, Članovima dodjeljivana pomoć za liječenje i smrtne slučajeve, Učestvovali u izradi spomenika u Miljanovcima i Mrkotiću, Organizovali akcije pomoći poplavljenim kao i u otklanjanju posljedica poplava, Organizovali akciju pošumljavanja u saradnji sa Šumarijom, Učestvovali na druženjima dobitnika najviših ratnih priznanja u Olovu i Mostaru.

JOB Unija veterana

Osnovni sadržaj djelatnosti Udruženja je: „Iniciranje i pokretanje rješavanja svih pitanja od značaja za socijalno-statusni položaj boračke populacije“ Organizacija se finansira uglavnom iz budžeta Općine, pošto zbog socijalne strukture članstva nije moguće ubirati članarinu. U protekloj godini udruženje je svoj rad usmjerilo na: Organizacija okruglog stola sa temom odbrana Tešnja 92-95 i ujedno realizovali štampanje knjige "Tešanjki odgovor", Rješavanje socijalno-statusnih problema članstva, Obilježavanje značajnih datuma iz proteklog rata, Posjete bolesnim članovima i porodicama umrlih boraca. Udruženje broji više od 6.000 članova i trenutno je najbrojnije udruženje u Općini.

Za pomoć članovima u 2014. godini utrošeno je: za lijekove 22.515,69 KM, za jednokratne pomoći 800 KM.

UG invalida rada općine Tešanj

Općinska Organizacija invalida rada u 2014. godini se posebno angažovala na pitanjima: Pomoć članstvu u ostvarivanju njihovih prava i prati gdje su radnici raspoređeni nakon umanjenja radne sposobnosti, Obilazili bolesne članove koji su u teškoj materijalnoj situaciji, Učestvovali u brojnim humanitarnim akcijama i drugo. Obilježen je i svjetski Dan invalidnih osoba.

Udruženje slijepih i slabovidnih lica Tešanj

Udruženje slijepih djeluje na 4 općine (Tešanj, Doboj Jug, Usora i Maglaj) i nema stalno angažovanog radnika, već se svi poslovi obavljaju volonterski. U protekloj godini udruženje je imalo slijedeće aktivnosti: skromno obilježavanje sedamnaestogodišnjice USG Tešanj, obilježavanje 15. oktobra-Dana bijelog štapa, 3. decembra – Međunarodnog dana osoba sa invaliditetom. Zahvaljujući pomoći Općine Udruženje je organizovalo Međunarodni turnir u golbalu. Organizovan je kurs opismenjavanja u Brajevom pismu za dva člana i za iste su kupljene Brajeve mašine. Velika pažnja se posvećuje posjetama starim i bolesnim članovima, kao i „Centru za slijepu i slabovidnu djecu“ u Sarajevu gdje se školuju djeca sa područja općina koje pokriva Udruženje. Za novčane pomoći članovima dato 4.400 KM.

Društvo za borbu protiv diabetesa „Sugar“

Društvo je nastalo dobrovoljnim udruživanjem osoba oboljelih od diabetesa i drugih građana koji su iskazali interes da na organiziran način djeluju u borbi protiv šećerne bolesti. U protekloj godini je provedeno niz aktivnosti: Učešće na izvještajno izbornoj skupštini Udruženja dijabetičara Ze-do kantona, Aktivno učestvovali na sastancima Saveza udruženja dijabetičara i I Kongresu dijabetičara F BiH, Nastavljena je prekogranična saradnja sa udruženjima iz Hrvatske i Srbije, Aktivno učestvovali u obilježavanju svjetskog dana dijabetesa uz besplatnu kontrolu šećera i pritiska uz podjelu zdravog doručka.

Udruženje u svom radu posebnu pažnju posvećuje mladima, djeci dijabetičarima. Pored navedenog realizovan je program edukacije dijabetičara radionicama u ambulanti Jelah, a edukacija je održana i u mjesnim zajednicama: Šije, Trepče, Karadaglije, Tešanjka i Tešanj. Aktivno su radili na prikupljanju lijekova za poplavljenike.

UG „Održiv povratak“ Tešanj

Pored svojih redovnih aktivnosti Udruženje se značajno angažovalo na pomoći Službi za društvene djelatnosti i investicije u rješavanju povratničkih problema (inicirali pomoć, vršili izbor korisnika svih vidova pomoći, sačinjavane spiskova i drugo). Svi poslovi se obavljaju volonterski i bez ikakve naknade. Najveći dio dotacije od Općine se dijeli kroz jednokratne pomoći za liječenje, pomoć u sahrani i drugo (kroz jednokratne pomoći podijeljeno je 2.300,00 KM od redovnih sredstava a za 17 porodica). Udruženje nema kancelarijski prostor, pa se sastanci održavaju u parohijskom domu Pravoslavne crkve Tešanj.

Crveni križ

U 2014. godini izvedeno je niz aktivnosti: Organizovano takmičenje iz prve pomoći (Općinsko i Kantonalno), Obuka i provjera znanja za vozače motornih vozila, Osim toga organizovane su akcije dobrovoljnog davanja krvi, obilježen 20. Decembar-Dan dobrovoljnih davalaca krvi. Organizacija je obilježila sve značajne datume kao: Svjetski dan CK, Nedjelja CK, Nedjelja borbe protiv TBC, Međunarodni dan starih i Nedjelju solidarnosti i drugo. Izvedeno je više ekoloških akcija i različitih predavanja po školama i mjesnim zajednicama, Vršeno prikupljanje pomoći za bolesne putem telefona, Prikupljana pomoć i vršena podjela poplavljenim područjima.

Udruženje hroničnih bubrežnih bolesnika Tešanj

Nije dostavljen izvještaj o radu za 2014. godinu iz razloga kadrovskih promjena, pošto je umro predsjednik Udruženja. Trenutno je obustavljena finansijska podrška do njihove reorganizacije.

Crveni polumjesec

Nakon djelimičnog zastoja u radu došlo je do izbora novog rukovodstva koje je odlučilo da se akumulirana sredstva na računu iskoriste u socijalne svrhe. Orjentacija je da se pomogne porodicama u socijalnoj potrebi i to tako da im se dodijele sredstva uz pomoć kojih će sami stvarati dohodak (plastenici i drugo). Odlukom Upravnog odbora muzilica za krave je dodijeljena Hadžimujić Ajdinu iz Tešnja a Spahić Zajimu iz Čaglića (gluhonijemom licu) se gradi kuća. Rukovodstvo Udruženja je uspostavilo kontakt sa Humanitarnom organizacijom “Vakufa (Stichting vakufa)” i obezbijedilo pomoć za poplavljenike na općini Tešanj (15 frižidera, 12 električnih šporeta i 12 veš mašina). Udruženje za rad koristi prostor u zgradi Obdaništa.

Dobrovoljno vatrogasno društvo Jelah

Društvo je u 2014. godini realizovalo slijedeće aktivnosti: Ostvarena saradnja sa Vatrogasnim društvom iz Vrbanje a nastavljena sa Humanitarnom organizacijom „Malteser“ iz Njemačke, Učestvovali su i na memorijalnom nogometnom turniru koji je organizovalo Vatrogasno društvo Tešanj.

Članovi seniorske ekipe Društva učestvovali su na međunarodnom takmičenju vatrogasaca u Pijetlovcu R Hrvatska, a omladinci na takmičenju u Belom Manastiru i osvojili zlatnu medalju. Aktivno su učestvovali u otklanjanju posljedica elementarnih nepogoda koje su se desile prošle godine.

UŽ Naša porodica

U 2014. godini realizovani su slijedeći projekti: Humanitarne aktivnosti, Druženje sa majkama šehida, U susret Ramazanu, Vođena akcija na prikupljanju i dostavi pomoći stanovništvu Srebrenice, Organizovan ramazanski koncert, Organizovana pomoć Srebrenici u okviru obilježavanja Kurban Bajrama. Učestvovali u organizaciji iftara i drugo. Svi poslovi u Udruženju se obavljaju volonterski.

NHU Oslonac

Nevladino humanitarno udruženje „Oslonac“ je formirano 2006.godine. Djelatnost je usmjerena isključivo u stambeno zbrinjavanje socijalno ugroženih lica koja nemaju riješeno stambeno pitanje, niti mogućnost da ga samostalno riješe zbog nepostojanja prihoda, ili iz drugih razloga.

U 2014. godini Udruženje je realizovalo ukupno 5 projekata (5 kuća izgradnja iz temelja) U Željeznom Polju su urađene 2 kuće uz pomoć stranih donatora. Jedna kuća je urađena u Maglaju a dvije u Tešnju od kojih je jednu uradila Firma “Madi”. Značajno je napomenuti da su prihodi od članstva povećani i imaju tendenciju stalnog rasta. Specifično za ovo udruženje je što nema nikakvih troškova, već se sve zasniva na volonterizmu i entuzijazmu članova Savjeta i Udruženja.

UG Penzionera

Udruženje penzionera-umirovljenika je u 2014. godini bilo orjentisano isključivo na povremenu pomoć teško bolesnom članstvu. Poseban problem, pored niskih penzija, predstavlja neredovna uplata članarine od strane PIA. Pored toga Udruženje je radilo na obnovi članstva i pomoći, odnosno isplati troškova dženaza i sahrana za veoma visok broj umrlih članova 156 u 2014. godini, a što je 5% članstva. Donošenje odluka i dodjela novčane pomoći: pomoć za sahranu 87.960 KM, pomoć članstvu u lijekovima 29.140 KM. Izvršena nabavka uglja za članstvo na 10 rata, Organizovali brojne izlete i boravak na moru. Osim toga ostvarili su uspješnu saradnju sa svim organima i organizacijama u interesu članstva.

Udruženje građana otpuštenih radnika RH

Udruženje je osnovano 2004.godine s ciljem ostvarivanja prava svih otpuštenih radnika iz Hrvatske. Aktivnosti u protekloj godini je bilo više, a istaknute su slijedeće: Brojni kontakti sa odvjetnicima, nadležnim institucijama i medijima po pitanju ostvarivanja prava članova (prava iz privatizacije, prava na otpremninu i prava invalida rada). Udruženje pruža besplatnu pomoć u sudskim sporovima svojih članova. U 2014. godini pokrenuli su inicijativu za promjenu ili dopunu važećeg ugovora o socijalnom i penzionom osiguranju sa R Hrvatskom, naročito o pravima invalida rada.

Uputili su pismo na adresu 20 ambasada u Sarajevu da će za dan ljudskih prava organizovati proteste pred institucijama UN u Ženevi, a što su i učinili 10.12.2014. godine zajedno sa udruženjem iz RS-a. Koriste kancelariju u Starom domu u Jelahu, aposlove obavlja sekretar uz mjesečnu naknadu po ugovoru od 200 KM mjesečno.

Vatrogasno društvo Tešanj 1905

Udruženje registrovano 25.05.2009. godine sa sjedištem u Vatrogasnom domu. U 2014. godini realizovali su više aktivnosti: Organizovali osposobljavanje članstva u ovladavanju vatrogasnim vještinama i redovne vježbe DVJ, Učestvovali u svim akcijama otklanjanja posljedica poplava i pomoći poplavljenim, organizovali memorijalni turnir u čast dva poginula vatrogasca, sa Slovačkom ambasadom implementirali projekat i dobili jedno kombi vozilo u vrijednosti 5000 eura.

Udruženje Dječija ambasada Tešanj umirovilo status zbog kadrovskih problema i nisu dostavili izvještaj o radu za 2014. godinu. Općina prestala davati finansijsku podršku nakon posljednjeg monitoringa (terenski monitoring).

II SPORTSKA UDRUŽENJA/DRUŠTVA

Naziv udruženja	Ukupni prihodi	Prihodi od Općine	Ukupni rashodi	Sjednice tijela		Broj članova
				Pred s.	Skup	
NK „Tošk“ Tešanj	86 352	32 000	84 007	25	1	150
NK „Borac“ Jelah	103 837,40	33 000,00	103 837,40	16	1	155
NK „Napredak“ Šije	16 382,00	10 000,00	16 382,00	13	1	68
NK „Pobjeda“ Tešanjka	31 792	23 000	34 238	12	1	90
RK „Bosna – TS“ Tešanj	16 693,90	14 000,00	16 669,90	4	1	66
KK „Gradina Koteks” Tešanj	32 560,00	16 000,00	37 562,00	4	1	125
Šahovsko društvo „Tešanj“	6 750,00	4 000,00	6 268,34	3	1	150
Centar borilačkih sportova Tešanj	21 298,60	10 000,00	21 298,60	5	1	93
Klub borilačkih sportova Jelah	11 936,00	6 000,00	11 936,00	4	1	54
Savez za sport i rekreaciju invalida	1 200,00	1 200,00	1 200,00	3	1	120
USR «Blinker» Kalošević	11 884,67	1 600,00	10 882,70	15	1	96
UG Ribolovaca Tešanj-Jelah	19 500,00	4 500,00	18 750,00	10	1	199
Društvo pedagoga fizičke kulture	3 983,40	3 500,00	3 983,40	3	3	17
Ženski odbojkaški klub Tešanj	9 150,00	8 000,00	9 150,00	4	1	44
UG Veterani TOŠK-a Tešanj	0	0	0	2	1	36
Streljački klub Tešanj	1 628,60	1 300,00	1 628,60	2	0	250
Streljački klub "Zigana" Tešanj	1 460,00	800	1 460,00	2	1	170
Sportski savez Općine	6 000,00	6 000,00	6 000,00	6	1	21
Karate klub „Unija“ Tešanj	3 160	1 500,00	3 160	3	1	80
Sportsko udruženje Trepče	1 000,00	1 000,00	1 000,00	4	3	75
Stonoteniski klub „Nec“Kraševo	1 500,00	1 500,00	1 500,00	5	1	34
Biciklistički klub Tešanj	4 000,00	1 500,00	4 000,00	4	1	30
Ragbi klub „Trk“ Tešanj	5 046,87	4 000	3 863,86	6	1	71
Ženski košarkaški klub Tešanj	960	400	960	8	1	70

NK „Tošk“ Tešanj

Klub se u 2014. godini takmičio u II ligi F BiH, grupa "Centar", dok se omladinske selekcije takmiče u Omladinskoj ligi NS Ze-Do kantona. Sve selekcije Kluba su imale redovno takmičenje (seniorska selekcija, juniorska i kadetska, te pionirska i predpionirska selekcija). Organizovan je 5. memorijalni turnir "Toškove legende". Pokrenuta je akcija pod nazivom "Jedan navijač-jedna stolica" i postavljeno je 550 stolica na glavnoj i 300 na zapadnoj tribini. Redovno je vršeno održavanje glavnog i pomoćnog stadiona u Mekišu gdje su uložena značajna sredstva. Redovno se vrši održavanje sistema navodnjavanja u ljetnjem periodu, kao i osnovnih sredstava.

NK „Borac“ Jelah

Klub postoji već 65 godina. Trenutno se seniorski sastav kluba takmiči u II ligi F BiH, grupa „Centar“ dok se omladinske selekcije takmiče u Omladinskoj ligi NS Ze-Do kantona. Klub je uspješno organizovao nogometne turnire „Sakib Subašić – Manga“ i „Ibrahim Đonlagić Ibro“. Tokom 2013. godine formirana je i ženska selekcija koja se uključila u redovno takmičenje u okviru Prve ženske nogometne lige FBiH. Škola nogometa je učestvovala na turnirima u Hrvatskoj, Doboju Jugu, Maglaju, Vitezu i Tesliću. Prosjek gledalaca po utakmici je oko 200. U 2014. godini su nastavljeni radovi na sanaciji i rekonstrukciji objekta klubane, kao i redovno održavanje glavnog i pomoćnog stadiona i sistema navodnjavanja.

NK „Napredak“ Šije

Klub se takmiči u ligi NS Ze-Do kantona i na kraju jesenjeg dijela sezone 2014/15. je zauzeo 3. mjesto. U toku sezone odigraju 11 gostujućih i 11 domaćih utakmica i jedan manji broj prijateljskih i kup utakmica. Omladinske selekcije takođe odigraju približan broj utakmica. Prosjek gledalaca po utakmici je 150. Klub je otkupio dio zemljišta pored stadiona za proširenje istog. Najznačajniji uspjeh u historiji udruženja je svakako plasiranje u osminu finala Kupa.

NK „Pobjeda“

Jedan od najznačajnijih rezultata NK „Pobjeda“ bio je plasman u drugu ligu F BiH. U 2014. godini, pored redovnog takmičenja, Klub je organizovao dva turnira: u povodu 27. jula i Novogodišnji turnir. Organizovana je škola fudbala za djecu od 7-9 godina. U protekloj godini je izvršena i preregistracija Kluba i urađena izmjena statuta.

RK „Bosna – TS“ Tešanj

Klub je osnovan 1958. godine. Takmiči se u Prvoj ligi F BiH-grupa Sjever i na kraju sezone 2013/2014. je zauzeo 4. mjesto na tabeli. U okviru Rukometnog kluba djeluje i dobro oranizovana Škola rukometa, sa osposobljenim trenerima, koja obuhvata četiri selekcije osnovaca i srednjoškolaca, koje se takmiče u Kantonalnoj rukometnoj ligi mladih. Klub je organizovao memorijalni turnir u rukometu "Fuad Prnjavorac Fudo" na kojem su, pored domaćina, učestvovala 3 ekipe: RK "UB" iz Uba (Srbija), RK "ČELIK JUNIOR" iz Zenice i RK "BIHAĆ" iz Bihaća..

KK „Gradina Koteks“ Tešanj

KK „Gradina“ Tešanj je dva puta osvojio prvo mjesto u A1 ligi F BiH. Kadeti/juniori 2011. godine osvojili drugo mjesto na završnom turniru Francuske. Kadetkinje 2012. godine osvojile treće mjesto u BiH, Pioniri su 2013. godine osvojili 3. mjesto u BiH. Takmiče se u A1 ligi F BiH i u prosjeku imaju po 300 gledalaca po utakmici. Imaju 50 licenciranih igrača.

Seniori kroz play off A ligu su stekli pravo na takmičenje u A1 ligi, a kadeti i juniori kao viceprvaci ZDK učestvovali u završnim takmičenjima Federalnog nivoa.

Šahovsko društvo „Tešanj“

Šahovsko društvo „Tešanj“ svoju pažnju usmjerava na promociju, razvoj i popularizaciju šaha među omladinom. U 2014. godini održano je klubsko prvenstvo u kome je učestvovalo 15 najjaćih šahista sa Općine, a na Pozivnom turniru u okviru manifestacije Tešanjsko proljeće učestvovala 22 šahista.

Na Kantonalnom kadetskom i juniorskom prvenstvu učestvovalo 8 šahista, od čega se 4 plasiralo na Federalno prvenstvo gdje su zauzeli jedno 2. mjesto i plasman na Državno prvenstvo i jedno 5. mjesto.

Na Državnom prvenstvu je osvojeno jedno 3. mjesto. Organizovali "Tešanj open 2014" na kome je učestvovalo 36 šahista.

Centar borilačkih sportova Tešanj

CBS „Tešanj“ ima za cilj afirmaciju i razvoj borilačkih sportova na području Općine Tešanj. CBS „Tešanj“ je u 2014. godini na državnim prvenstvima, internacionalnim kupovima, Balkan openu, evropskom prvenstvu i Svjetskom kupu, ukupno osvojio 63 medalje, a od toga 25 zlatnih, 24 srebrne i 14 bronzanih. U 2014. godini bili su organizatori Balkan Open turnira na kome je uzelo učešće 500 takmičara iz 14 zemalja. Na ovom takmičenju članovi Kluba su osvojili 4 zlatne, 4 srebrne i 3 bronzane medalje. Klub je radio na omasovljenju članstva i stvaranju boljih uslova rada.

Klub borilačkih sportova Jelah

Klub je tokom 2014. godine bio jedan od najtrofejnijih klubova u BiH. Takmičari kluba su nastupili na 11 jakih takmičenja: 3 prvenstva BiH, 5 Internacionalnih kupova, Balkanskom kupu u Tešnju i Svjetskom kupu u Szeged-Mađarska i Svjetskom Kadetskom i Juniorskom prvenstvu u Riminiju-Italija. Pri tome su osvojili ukupno 65 medalja, a od toga 34 zlatne, 18 srebrenih i 13 bronzanih, kao i pet pehara kao najbolji takmičari na domaćim i međunarodnim takmičenjima. Pet članova Kluba su u reprezentaciji BiH. Klub je u protekloj godini dosta radio na omasovljenju, kao i na poboljšanju uslova rada i nabavci opreme. Članovi kluba su učestvovali u Eko-akciji "Očistimo Jelah u jednom danu".

Savez za sport i rekreaciju invalida

Članovi Saveza su vrlo aktivni u sredinama i općini kada je u pitanj sport za invalide. Pored općinskih takmičenja, značajno je pomenuti individualni rad pojedinaca koji imaju i vrhunske rezultate u streljaštvu i

ribolovu. Udruženje ima oko 70 aktivnih članova a koristi prostorije RVI bez naknade za režijske troškove. Realizovali projekat "Sportom i rekreacijom do ozdravljenja", takmičenje invalida.

USR «Blinker» Kalošević

Najznačajnija aktivnost USR u 2014. godini: Saniranje posljedica poplava na Usori, Ekološke akcije Dan Planete i Dan voda, Takmičenja u ribolovu u povodu Dana MZ Kalošević i Memorijalni kup Mustafa Mević Pučo, Organizacija manifestacije "Fišijada" i takmičenje u ribolovu Općine. Realizovana su dva projekta koja je sufinansirala Općina: "Mala škola ribolova 2014" i "Kup Jelah-Tešanj 2014", a izdali su i Bilten Udruženja. Izvršili su popravku brane na rijeci Usori koju su oštetile poplave.

UG Ribolovaca Tešanj-Jelah

Društvo je osnovano 1947. godine pod nazivom SRD "Usora-Jelah". Članovi Udruženja su učestvovali u više ekoloških akcija u općini Tešanj. Tokom 2014. godine ostvarene su sljedeće aktivnosti udruženja:

1. Otvaranje ribolovne sezone 2014. godine – takmičenje u okviru Udruženja;
2. I Liga BiH (Prvaci države za 2014. god.);
3. Organizacija „Male škole ribolova 2014“;
4. Organizovan je „Međunarodni kup 2014“;
5. Odlazak na međunarodna kup takmičenja u BiH i susjednim državama;
6. Učestvovali na Svjetskom klupskom prvenstvu u Sloveniji-Radeče 2014.

Društvo pedagoga fizičke kulture

U 2014. godini realizovan projekat „Male olimpijske igre“ na kojima su učešće uzeli učenici osnovnih škola u sljedećim sportovima: košarka, odbojka, rukomet, mali nogomet. Društvo je ostvarilo dobru saradnju sa sportskim klubovima i pružilo pomoć školama u organizaciji takmičenja.

Ženski odbojkaški klub Tešanj

Ženski odbojkaški klub Tešanj se takmiči u sklopu 1. Lige F BiH. U 2014. godini ostvareno je četiri pobjede u prvom dijelu prvenstva, a pioniri su bez poraza u svojoj konkurenciji. Osvojeno je 2. mjesto u grupi i 3. mjesto u sklopu 1. Lige F BiH, a treće mjesto na kadetskom takmičenju Kantona. Odigrali su oko 25 utakmica i obavili 220 treninga i organizovali 2 turnira.

UG Veterani TOŠK-a Tešanj

Udruženje u 2014. godini izvršilo reorganizaciju i preregistraciju. Promijenili su i naziv Udruženja. Zbog reorganizacije nisu iskoristili sredstva Budžeta za 2014. godinu. Redovno rade na svim poslovima održavanja stadiona, a organizuju i prijateljske utakmice veterana.

Streljački klub «Tešanj»

U svim osnovnim školama su organozovane streljačke sekcije i pružana pomoć nastavnicima u obuci i treningu učenika u gađanju vazdušnom puškom. Organizovano takmičenje učenika u streljaštvu na nivou općine u okviru manifestacije "Dani otpora fašizmu". Ističu problem kancelarijskog prostora.

Streljački klub «Zigana» Tešanj

U okviru kluba djeluje pet sekcija: edukacijska, lovačka, sekcija pištolj/revolver/IPSC, sekcija malokalibarsko/vazdušno oružje i air soft sekcija. Klub je u 2014. godini organizovao takmičenja za djecu osnovnoškolskog uzrasta u gađanju iz vazdušne puške. Za članove Kluba organizovano je gađanje iz pištolja, kao i takmičenje članova Kluba u gađanju letećih meta (glinenih golubova).

Sportski savez Općine

Savez je krajem 2014. godine realizovao manifestaciju „Izbor sportiste godine općine Tešanj 2014. Također, Savez je učestvovao u Komisiji za odabir projekata sportskih klubova ZDK i Komisiji za odabir projekata udruženja građana općine Tešanj. Pružana je podrška klubovima u realizaciji njihovih projekata.

Karate klub „Unija“ Tešanj

Karate klub „Unija“ egzistira u Tešnju već 4 godine. Također, okuplja djecu, razvija sport, organizuje karate polaganja i uspješno učestvuje na raznim takmičenjima. U 2014. godini Klub je učestvovao na 15 takmičenja

i osvojio oko 100 medalja. Naplaćuju članarinu od 10-20 KM, a u 2014. godini su organizovali dva polaganja za karate zvanja.

Sportsko udruženje Trepče

U 2014. god. Sportsko udruženje Trepče realizovalo je niz aktivnosti i to:

1. Formirali stonotenisku sekciju koja ima 20 članova;
2. Učešće na turniru u Ševarlijama "Dani povratka";
3. Realizovanje projekta "Ljetna škola fudbala";
4. Organizovano druženje uz 34 utakmice;
5. Organizovanje humanitarnog koncerta za pomoć dvojici oboljelih komšija;

Stonoteniski klub „Nec“Kraševo

Klub je osnovan 2012. godine. Kadeti/tkinje i juniori ovog kluba su učestvovali na pojedinačnom državnom prvenstvu u 2014. godini, a seniorska ekipa u 3. Ligi BiH. Pored toga aktivno je radila redovna omladinska škola pod nadzorom stručnih trenera u koju se uključio veliki broj novih članova.

Biciklistički klub Tešanj

Biciklistički klub je organizovao Proljetnu biciklijadu na kojoj su pored članova kluba, bili uključeni i gosti iz Žepča, Laktaša, Tuzle, Zenice, Doboja i Čelinca. Zatim odlazak na Biciklijadu u Čilinac. Organizovana je akcija čišćenja na Ključ vodi. Najznačajnija aktivnost kluba je odlazak 10 članova biciklima na relaciju Tešanj – Srebrenica koji su na taj način odali počast žrtvama genocida. Radeno je i na omasovljavanju članstva i nabavljeni su dresovi sa logom Kluba i Općine.

Ragbi klub „Trk“ Tešanj

Klub se takmiči na državnom nivou, kako u Ragbi XV, tako i u Ragbi VII, a učestvovali su na Međunarodnom Beach Rugby Ploče i na turniru u Zenici. Organizovana utakmica BiH-Austrija (baraž za svjetsko prvenstvo 2015.). Organizovali i dvije prijateljske utakmice. U 2014. godini tri igrača kluba nastupila su u reprezentaciji BiH. Učestvovali su na seminarima za trenere i radili na održavanju stadiona u Mekišu.

Ženski košarkaški klub Tešanj

Klub je osnovan 2014. godine sa primarnim ciljem popularizacije svih onih moralnih vrijednosti koje se mogu steći kroz sport uopće, a posebno žensku košarku. Učestvuju u Ligi mladih Košarkaškog saveza ZDK u selekcijama pionirke i kadetkinje. Aktivnosti u 2014. godini: Organizovali turnir Tešanj open 2014 (kadetkinje 1. mjesto), Dani ženske košarke Živinice, Sportske igre mladih Tešanj-Sarajevo, Učešće na kupovima u Konjicu i Zenici, Međunarodni košarkaški turnir Slavonski Brod (kadetkinje 2. mjesto), Igre prijateljstva Start Tuzla 2014 (pretpionirke 2. mjesto).

UG Fitness Club "Body fit" Jelah, prestalo sa radom i nisu dostavili izvještaj za 2014. godinu.

Sportska udruženja koja se nisu javljala na javni poziv jer se sama finasiraju, ili su trenutno neaktivna: Univerzalna škola sporta Jelah, Teniski klub "Voley", Teniski klub Tešanj, Teniski klub "Ace" Tešanj, "Klub strijelaca" Tešanj, Sportsko-rekreativno udruženje Opće bolnice Tešanj, SK "Ask orion" Jelah, UG "Avantura" Tešanj, Sportsko-rekreacijski klub "Olimp" Tešanj.

III UDRUŽENJA U OBLASTI KULTURE

Naziv udruženja	Ukupni prihodi	Prihodi od Općine	Ukupni rashodi	Sjednice tijela		Broj članova
				Predsj.	Skupš.	
Bosansko pozorište Tešanj	4 053,55	4 000	4 053,55	1	0	81
KUD «Izudin M.Izo» Jelah	12505,55	3438,13	9067,42	12	1	220
KUD "Ljiljan-krin"Kalošević	2 000,00	1 500,00	2 000,00	4	4	30
KUD «Behar» Tešanjka	18 119,89	4000	18 119,89	13	1	80
UM «Alkatmeri» Tešanj	6 750,00	2 000	6 750,00	1	1	15+5
UG "Sevdah-Te" Tešanj	1000	1000	1000	0	0	0
UG "Sehara" Tešanj	3 000	3 000	3 000	11	2	24
Folklorni ansambl "Bosanski sevdah" Kraševo	4 100	2 000	4 100	19	2	100

Bosansko pozorište Tešanj

U 2014. godini pripremljene su i izvedene dvije predstave (dvije premijere i četiri reprize) sa predstavama „Pepeljuga“ i „Opća bolnica“. Sa tim predstavama su učestvovali na manifestacijama Tešanjско proljeće obilježavanje Dana grada Tešnja. Imaju 81 člana, a posebno je rađeno na aktiviranju mladih selekcija.

KUD „Izudin Mulabećirović Izo“ Jelah

KUD ima 220 aktivnih članova koji djeluju u 4 sekcije: folklorna, muzička, tamburaški orkestar, etno sekcija. Društvo je uspješno organizovalo manifestaciju "Jelaško ljeto", a u sklopu toga: 14. Međunarodni festival folklor, 11. Dječiji festival "Djeca pjevaju hitove" i 4. po redu festival "Veče uz tamburu", a zatim Etno-izložba. Učestvovali su na međunarodnoj smotri folklor u Rogaškoj Slatini u Sloveniji, a kao gosti na Smotri folklor u Jelahu bili su KUD-ovi iz BiH i skoro svih republika bivše Jugoslavije. Sve manifestacije posjetio je veliki broj gledalaca a predstavlanje je izvršeno na više lokalnih medija.

KUD "Ljiljan-krin" Kalošević

Koristili sredstva Općine u 2014. godini (Projekat "Miris ramazana" 1.500,00 KM i Popravak krova na Domu 2.000,00 KM). Učestvovali u obilježavanju Dana MZ Kalošević i organizaciji Narodnog iftara. Folklorna i dramska sekcija su aktivno radile u toku cijele godine.

KUD „Behar“ Tešanjka

Društvo broji 80 članova podijeljenih u 3 sekcije a najbrojnija je folklorna sekcija. KUD je imao više nastupa na kojima je prezentovao običaje i tradiciju svog kraja: Organizacija julskih manifestacija "Tešanjka 2014", 10. Međunarodna smotra folklor, zatim učestvovali: u snimanju emisije "Prvi glas sevdaha" na TV1, Srpanjski susreti u Žabljaku, na smotrama folklor u: Osječanima, Bosanskoj otoci, Brodu, Brčkom, na bajramskom sijelu u Mravićima i drugo. Pozivani su na brojne smotre izvan BiH ali zbog ograničenih sredstava nisu mogli prihvatiti. Uvježbali su i postavili dvije nove koreografije.

UM Tamburaški sastav „Alkatmeri“

Tamburaška sekcija u okviru KUD-a Pobjeda je osnovana 1986.godine. U 2014. godini organizovali su koncert „Tešanj sevdah fest Tešanj 2014“ i "Večeri Starog grada", a kao partneri učestvovali su u realizaciji manifestacije „Sjećanja na Omera Pobrića“. Broje ukupno 15 aktivnih članova i 5 počasnih.

UG «SEVDAH-TE»

Udruženje je u protekloj godini organizovalo „Veče sevdaha“ uz pomoć sredstava Općine u iznosu od 1000 KM. Stiče se utisak da se sav rad udruženja sveo na organizovanje te jedne manifestacije. Sredstva su pravdali dostavljenim računima, ali nisu dostavili godišnji izvještaj o radu Udruženja.

UG „Sehara“ Tešanj

Udruženje je u 2014.godini realizovalo niz različitih aktivnosti: Projekat "Kultura poslije sutra" ima za cilj očuvanje i valorizaciju tradicionalnih zanata i proizvoda na Općini. Ovaj Projekat uključuje dva segmenta: "Otvoreni etno atelje" i "Peti etno festival Tešanj 2014". Izlagali na ZEPS-u od 06-10.oktobra 2014. godine. Organizovali su manifestaciju-koncert "Nek mirišu avlije" u povodu Kurban Bajrama. Dio sredstava od prodanih ulaznica doniran je Udruženju djece s posebnim potrebama..

Folklorni ansambl "Bosanski sevdah" Kraševo

Udruženje je u 2014. godini organizovalo 5. Međunarodnu smotru folklor u Kraševu. Učestvovali su u realizaciji projekata kao prtneri sa udruženjima: UG Žena "Duga" Kraševo, Udruženje mladih "Odras" Mravići i UG "Ponikva" Šije.

Udruženja koja se nisu javljala na javni poziv jer se sama finansiraju, ili su trenutno neaktivna:

Omladinski ansambl Tešanj (finansiran kroz podršku mladima, tokom godine realizirali nekoliko zapaženih koncerata), KUD "Jedinstvo" Jelah, KUD „Pupoljak“ Trepče, KUD "Šijački biser", dok je KUD "Pobjeda" Tešanj koristilo sredstva iz Budžeta za 2014. godinu, ali nisu dostavili nikakav izvještaj, niti su aplicirali za sredstva u 2015.godini. Zbog toga nije potpisan ugovor o podršci za 2015. godinu.

IV OSTALA UDRUŽENJA GRAĐANA

Udruženja sa različitim programskim ciljevima:

Naziv udruženja	Ukupni prihodi	Prihodi od Općine	Ukupni rashodi	Sjednice tijela		Broj član.
				Pred.	Skupš.	
UG za zaštitu i uzgoj sitnih životinja	13 280	3000	13 280	9	1	78
UG «Eko-mladi» Jablanica	30 557,21	12 732	28 142,85	6	1	90
UG «Pčela» Tešanj	2 308,45	1200	2 185,04	4	1	40
Jedinstvena organizac. mladih Jelah	15 000	1 500	15 000	10	0	45
UG „Biznis centar“ Jelah-Tešanj	44 800	10 000	44 800	10	1	122
Odred izviđača «Crni vrh» Tešanj	4 295,97	5 500	4 295,97	20	1	584
Udruženje «Stari grad» Tešanj	17 398	7 000	17 398	8	2	200
Planinarsko SD "Zmajevac-684"	1 000	1 000	1 000	4	0	80
UG žena "Ruka" Kalošević	1 150	1 150	1 150	4	5	20
UG "Ponikva" Šije	1082	0	1082	26	1	72
Informativno-edukac.centar mladih	1 500	1 500	1 500	11	1	60

Udruženje građana za uzgoj i zaštitu sitnih životinja Tešanj

Udruženje je osnovano 09.03.1999. godine. Trenutno imaju 78 članova i naplaćuju članarinu po 10 KM godišnje, stim da članovi do 18 godina ne plaćaju. U 2014. godini organizovali su: 15. međugradsku i 9. međunarodnu izložbu sitnih životinja, Održana je 6. berza sitnih životinja u Tešnju, Organizovali 6. Državnu izložbu sitnih životinja.

U prošlosti sedam puta proglašavani za najuspješnije udruženje u BiH. Održali izvještajno-izbornu skupštinu Udruženja i izabrali novo rukovodstvo.

UG „Eko-mladi“ Jablanica

Udruženje je formirano 2007. godine a, osim osnovnog sadržaja druženja i edukacije mladih, u fokusu je bilo i promovisanje volonterskog rada, uključivanje mladih u razvoj uže i šire zajednice i zaštita životne sredine. U protekloj godini uspješno je realizovano više projekata: „Najljepše uređeno dvorište 2014-općina Tešanj“, Realizacija projekta PET ambalaže u saradnji sa školama, Edukacija kadrova i veći broj ekoloških akcija (čišćenje korita Trebačke rijeke i putnog pojasa), Doprinos obilježavanju Dana Mjesne zajednice, Učešće predstavnika Udruženja na Simpozijumu o okolišu u Turskoj, Realizovan projekat Školska takmičenja, Potpisan Sporazum sa Udruženjem Korak iz Zavidovića i Organizacijom CEKUD iz Turske, Podrška MZ Jablanica oko izgradnje spomen obilježja na koti Crni vrh i drugo.

UG „Pčela“ Tešanj

Udruženje je osnovano 25.05.1998.godine, radi zadovoljenja zajedničkih i osobnih interesa pčelara. Najznačajnije aktivnosti u 2014. godini su: Učešće predstavnika na Sajmu privrede u Tešnju, Organizovan tradicionalni 8. Sajam pčelarstva „Tešanj 2014“ na kome je učestvovalo više izlagača sa Općine i šire. Udruženje broji 40 članova a naplaćuje se godišnja članarina od 20 KM. Ističu problem nedostatka kancelarijskog prostora, pa su prinuđeni da za svoje aktivnosti koriste prostorije OŠ “Huso Hodžić” i salu općinskog vijeća.

Jedinstvena organizacija mladih (JOM)

Udruženje osnovano 2002. godine. Neke od najvažnijih aktivnosti u 2014. godini su: Organizacija manifestacije “12. Rastok Fest Jelah”, Organizovali akciju na prikupljanju i podjeli pomoći za poplavljene i učestvovali u akcijama čišćenja terena, Realizovali projekat “Aktivijada” iz programa “Aktivni građani”, Organizovali školu gitare za djecu i omladinu, Učestvovali u akciji “Očistimo Jelah u jednom danu”, Organizovali prijenos nogometnih utakmica BH reprezentacije na najvećem platnu u Regiji. Sva događanja su bila dobro posjećena i medijski proračena.

Udruženje privrednika „Biznis centar“ Jelah – Tešanj

U 2014. godini Udruženje je realizovalo 10. sajam privrede „Biznis 2014 Tešanj“. Generalni pokrovitelj Sajma bila je TV1 Sarajevo. Sve pripreme za Sajam bile su izvršene ali je zbog katastrofalnih poplava termin održavanja Sajma izmijenjen i isti je održan uz odluku da to bude u simboličnoj formi i da ima humanitarni

karakter. Udruženje se uz to maksimalno angažovalo na prikupljanju i dostavljanju pomoći poplavljenim. U protekloj godini održana je redovna godišnja skupština a rađeno je i na povećanju broja članova, tako da je Udruženju pristupilo 20 novih članica (sada imaju 122 člana). Vrše prikupljanje članarine i to 5 KM mjesečno za STR i SZR, a 10 KM za dd i doo.

UG Odred izviđača „Crni vrh“ Tešanj

Udruženje je u protekloj godini realizovalo dva projekta finansirana od Općine: "Izviđači-to smo mi" i "Takmičenja, druženja, edukacije, taborovanja". Najznačajniji rezultati u protekloj godini su: Pobjednici na 10. Regionalnom takmičenju "U susret proljeću" Zenica 2014 (po treći put), Pobjednici "Majskih susreta" u Banjaluci, 4. mjesto na "Mostarskim susretima", Uspješni nastupi na susretima u Banovićima i Varešu, Organizovali izviđačke susrete u Tešnju i Izviđačku izložbu, Učestvovali na Sajmu izviđaštva i Festivalu izviđačkih pjesama u Zenici, kao i na svečanoj akademiji u Širokom Brijegu, na dodjeli odlikovanja i priznanja.

Organizovali prikupljanje i distribuciju pomoći za poplavljene u vrijednosti od 24.430 KM. Uspostavljen kontakt sa Turskim izviđačkim savezom, Izvršili bratimljenje sa OI "Sandžak" (R Srbija) i drugo. Sve aktivnosti su medijski praćene na lokalnim medijima, BHT1, FTV, Hajat TV i drugi.

Udruženje «Stari grad» Tešanj

Udruženje je u 2014. godini, u saradnji sa Općinom, realizovalo projekte: 5. Balkan Streets festival" (nastupilo 5 grupa) i "4. Likovna kolonija" (nastupilo 6 slikara, održana od 7-10. avgusta). Organizovan je i doček Nove godine na otvorenom. Osim toga organizovan je kurs za rad na računaru, Koncert "Djeca sviraju djeci", Koncert grupe "Divanhana", kao i Sedmi doček Nove godine na otvorenom uz podršku Općine. Sve manifestacije su bile dobro posjećene i medijski praćene.

Planinarsko sportsko društvo "Zmajevac-684"

Društvo formirano 2011. godine. Uvedena članarina od 20 KM godišnje, ali je realizacija naplate slaba. Koristili sredstva Budžeta u 2014. godini i dostavili izvještaj o radu. Neke od aktivnosti u protekloj godini: Izleti na Hum, Banderu, Crni vrh i Pohod na Trebačko brdo u čast tri poginule učenice Gimnazije, Planinarska čimburijada na planini Lisac, Izlet na Konjuh i biciklom u Srebrenicu, Izlet na Ošve i posjeta planinarima Maglaja, Organizacija zajedničkog sastanka sa planinarima Usore, Memorijalni pohod "Dževad Škapurević-Dževdo".

Udruženje žena "Ruka" Kalošević

Udruženje postoji dvije godine i u svom dosadašnjem radu angažovalo se na edukaciji žena iz raznih oblasti (zaštita ljudskih prava, biznis treninzi, škola za uzgoj ljekovitog bilja). Uz podršku Općine realizovali projekat "Izrada unikatnih odjevnih predmeta" Pet članica Udruženja učestvovalo u projektu "Žene u pčelarstvu" a koji je finansirao USAID, Sida, Farma projekat. Pored teoretske i praktične obuke žene su dobile po pet sanduka pčela i prateću opremu. To je podržala i Općina Tešanj sa 500 KM za nabavku pčelinjih društava. Učestvovali su na 10. Sajmu privrede Tešanj, a angažovali su se na prikupljanju pomoći za poplavljene (Pridjel), kao i pomoć u čišćenju objekata poslije poplave.

UG "Ponikva" Šije

Udruženje je osnovano 23.11.2013. godine s osnovnim ciljem poticanja i razvijanja aktivnosti na očuvanju i održavanju čovjekove okoline. Naznačajnije aktivnosti u 2014. godini: Trening za izradu i realizaciju projekata, Humanitarne akcije (rješavanje konkretnih socijalnih problema u mjestu, prikupljanje i podjela pomoći poplavljenim i stanovnicima Srebrenice), Praćen Dan OŠ Šije i doniran računar, Posjeta Srebrenici i podjela pomoći, Humanitarna priredba za pomoć poplavljenim, Dan sjećanja na poginule stanovnike Šija, Organizovana manifestacija "Šije 2014-Djeca sigurna budućnost" i drugo.

Informativno-edukacijski centar za mlade-IECM Tešanj

Udruženje osnovano 2013. godine sa ciljem promicanja interesa i aktivnosti mladih. Tokom 2014. godine imali su više aktivnosti: Organizovali radionice i savjetovališta za mlade o poslovnom motiviranju, Organizovali video prezentacije nezaposlenim mladim i srednjoškolicima, Organizovali izlet u Sarajevo za volontere i nekoliko neformalnih druženja, Formirali multietnički tim koji će raditi na zajedničkom projektu,

Pokrenuli web stranicu koja nudi relevantne informacije za mlade a nastupili su i na Sajmu srednjih škola općine Tešanj.

Udruženje: Lovačko društvo "Kiseljak" Tešanj, Tragovi Crni vrh, Kinološki klub "Pas" aktivno djeluju ali nisu koristili sredstva budžeta za 2014.godinu po osnovu javnog poziva i nisu dostavili izvještaj. **Udruženje europski pokret „Jelah“ Jelah-Tešanj**, koristilo sredstva budžeta u 2014.godini ali nisu dostavili izvještaj, niti prijavili projekat na Javni poziv za 2015, a **Udruženje roditelja i djece sa posebnim potrebama** se finansira sa posebnog granta a ne putem javnog poziva. **Udruženja:** Centar mladih Miljanovci, UG žena "Jorgovan" Miljanovci, Udruženje daktilografa, Udruženje „Asocijacija mladih Šije“ Šije, Udruženje "Mladost" Piljužići, Omladinski klub Novi Miljanovci, Udruženje mladih "Obala" Kraševo, UŽ Poljoprivrednice Usorsko-tešanjskog kraja, Savez mladih za promjene Kalošević, Inicijative preživjelih od mina, Udruženje nezaposlenih demobilisanih boraca, UG poljoprivrednika „Agra“ Jelah, Kant.udruž.proizv.gljiva Šije, Eduk.rekr.centar „Tradicija“ Tešanj, UG.Bošnjaka „Vrijeme-zeman“Tešanj, Udruženje «Avdi Paša» Tešanj, Udruženje građana za prevenciju bolesti ovisnosti, Udruženje poljoprivrednika Tešanj, Radio-historijsko udruženje Jelah, UG Josip Broz Tito, UG «Auto-moto klub Tešanj», Udruženje mladih «Naš Tešanj», Udruženje demobilisanih boraca, UG «Žena-ženi» Šije, UG "Merhamet" Tešanj, UG Dobrobit-Nafaka" Jelah, Udruženje „Miris Islama“ Mrkotić, UG "Cerovac" Tešanj, su udruženja koja postoje formalno registrovana, ali nisu finansirana od općine i nismo upoznati o njihovim aktivnostima, ili su novoformirana udruženja koja još nisu dostigla punu afirmaciju u radu..

Zaključni osvrt

Udruženja koja djeluju na prostoru općine u 2014. godini dala su doprinos razvoju civilnog društva, uzela učešće u brojnim aktivnostima, te direktno i indirektno radila na poboljšanju kvaliteta življenja na našim prostorima. Udruženja bismo mogli definisati i kao mini zajednice ljudi koji imaju slične interese, interese u pomaganju drugim ljudima, afirmisanju određenih životnih oblasti (sporta, kulture i drugo), ali i interese u boljem uređenju društva (demokratska borba za određena statusna, socijalna i druga prava). Sve ovo u stvari utiče i na sam rad udruženja, na njihov obim aktivnosti, ciljeve i aktivnosti koje ispoljavaju. Njihov rad prolazi kroz određene periode aktivnijeg, ili manje aktivnog rada. Tako nastanu određeni organizacioni problemi, zatajanja rada i slično.

Nadležna Služba Općine je proteklih godina vršila monitoring na realizaciji projekata finansiranih iz Budžeta. U 2014.godini Komisija koju je imenovao Općinski načelnik je izvršila uvid u rad slijedećih Udruženja: Crveni polumjesec, DVD Jelah, UG Invalida rada, RK "Bosna-TS", ŽOK, Udruženje penzionera, UG Slijepih, UGOR, Dječija ambasada, SUGAR, Crveni križ, UG "Održiv povratak" i NK "Napredak". Prilikom monitoringa uočeni su određeni propusti kod pojedinih udruženja. Ta su udruženja pismeno obavještena i dat im je rok za otklanjanje nedostataka i izvršena provjera da li su nedostaci otklonjeni.

Neke od preporuka i davanja sugestija monitoring tima koje se odnose na ispravan rad udruženja uz uvažavanje primjedbi od strane udruženja su:

- 1.Da se sva plaćanja gdje je to moguće vrše žiralno;
- 2.Svi troškovi moraju biti pokriveni računima, a isplate jednokratnih pomoći spiskovima sa potpisima primalaca na nalogima o isplati;
- 3.Smanjiti režijske troškove i iste pokriti fiskalnim računima;
- 4.Da se izvrši dopuna i preciziranje kriterija za dodjelu sredstava i paketa kao i druge pomoći;
- 5.Svi poslovi moraju biti plaćeni uz sačinjavanje ugovora i plaćanje svih obaveza;

U narednom periodu uvidom u rad bit će obuhvaćena i sva ostala udruženja od posebnog interesa, kao i druga udruženja čiji se projekti finansiraju ili sufinansiraju iz Budžeta općine Tešanj.

OBRAĐIVAČ:

Služba za društvene djelatnosti i
investicije

PREDLAGAČ:

Općinski načelnik

Azra Muslija, dipl.pravnik

Mr.Sc.Suad Huskić, profesor